

PIN C NULAHUKYUK HAVAKVIANIK PITQUHIANUT UTIQTIRIYUT HAVAANGIT

Ayuqnaittunut Naunaitkutut – Havaaghanut Naunaitkutut

King Kivgaqtiit-Nunaqaqqaahimayut Ukiuqtaqtumiullu Ikayuqtiit Kanatam (CIRNAC) avatinik halummaqhiniqhmayut utiqtitillugu nuna havaaghakkut PIN-C-mi, Nulahukyungmi Hivuanit Tuulaiminiyuq (DEW) havakvigaluangut. Hamna havakvingminiq Qitiqmiuniittuq Nunavunmi, hinaani Dolphin taamnal Union Ikirahaanit (68.781824°N, 114.832372°W). Haamlangat Qurluqtuq qanitqiyauyuq ungahiaqtumik 100 km-nik hivuraanit havakvium.

Havakviminiq hamna hanayauhimayut 1958-mi taimaalu qimaktauhimayut 1963-mi. CIRNAC munaqtiuliqtuq Havakvingnik 1965-mi. Tamatkiqhimaattumik halummaqtiqtauhimayut 1985-mi taapkuninnga Havakviat Anguyaqtiliqiyit (DND), Avatiliqiyit Kanatami (ECCC), CIRNAC-kullu. Aulatillugu, POL-nguyut qattaqyuit Havakvilluanit Hinaanilu, ingilrutit, amirnaqtullu hunaqtut ahivaqtauhimayut havakviminiqnit.

Tughirautauyuq havaaghat hapkua qauyihqtauhimavaktut amihunik ukiunik (1995-2022) utiqtitinahuaqhugu pitquhianut iniqtauhimayut hamani qimaqtauvianit. Havaaghatigut hapkunuuna ituptiriyumayut utuqqanik ikluqpamininik, ahivailutiklu amirnaqtunik amirnaittuniklu iqqakunik, kuvivihimayuniklu nunanik, iqqakuqlugillu hunavaluit ahinit iqqakurvingnit. Ilangi kuviviuvaktut nunat halummaqtiqtauniat talvani havakvingnit havaangutillugu.

Ihumagiyauyuq taimaa havaaghat hapkua aulavangniat malruulutik ukiut talvanngat August 2025-mit September 30-mut, 2025-mi, June 2-milu, 2026-mit September 15-mut, 2026. Upaktauvangniaqtuq havakviminiq hapkua umiakku/agyaqtautikkut tingmiakkullu. Nayugakaffuunahuaqtuq tupiqtuqviuluni makitauluni talvani havaktinut. Naahuriyauyuq taimaa havaaghat hapkua 25-nik havaktiqarniat talvani qakugukiaq halummaqtiqtaupluni iniqtauyaaminik.

Havaangutillugu hapkua hakugighainahuat havaqatigiiktunik aulapkaqtitaunilu taapkualu nunallaarmiut Qurluqtumit. Nunallaarni katimapkaivangniat havakviillu nunallaarmiuniklu havaaghat hapkua aulatillugit.

Iniqhiyumayut halummaqhiyut ihuaqhailutauniat maniraqmik DEW Laiminiqnit taimaa ihuilutaittaamik amirnaqtunik inungnut avatinullu uumayunut hivunighamilu munaqtauhiriami.